

中華民國元年九月 第一版

時事新報選粹甲編

時事新報館印

時事新報選粹甲編目錄

社論

共和黨對待他黨之宣言

說黨勢之盛衰

論自命爲無黨者之未知政體

論黨德之汚隆不關分子之純駁

論組織政黨之不宜自隘

再論政黨之不宜自隘

論混合內閣

再論混合內閣

再論事實上之混合內閣

爲北京國民公報事忠告同盟會

忠告餘賤

哀中國

書統一共和黨之彈劾總理事

論中國今日之黨派

政黨與徒黨之區別

債權國組織之回顧

改正稅法之商榷

財政顧問之先進國

與客論黃留守之反對借款

論財政與救急之策

實行金本位之預備法

國民捐之大疑問

論湖南駐甯同鄉會之要求地方選舉權於縣守府

論國旗案交覆議

論主張社會主義者之不當反對社會主義

書六月二十二日本報專電後

論現行海關稅與國民經濟之關係
爲漢冶萍事忠告湖北省議會

述漢冶萍產生之歷史

鐵道國有策平議

郵便貯金法談

列強之縱橫術上

列強之縱橫術中

列強之縱橫術下

桂太郎西行之大警告

爲參議院以國民爲玩具質問國民

專制國之流風餘韻

敬告民國之官迷

雜書所見以告國民

論省長宜簡任不宜選任

書南京財政部報告後

嗚呼今後之參議院

論招商局之變動當受國家嚴重之干涉

再論招商局議董之盜賣公司

共和黨章程規則

共和黨規約

共和黨本部辦事細則

共和黨會計規則

共和黨政務研究會會章

共和黨政務研究部條例

共和黨支部分部條例

共和黨參議員討論會簡章

(甲編目錄完)

時事新報選粹

社論

共和黨對待他黨之宣言

本黨持黨義以進行。業經宣布規約。與舉國之人相見。自謂已無所事於復有煩言矣。顧今日幼稚之國民。結幼稚之政黨。其所以相接觸者。除黨與黨各持之宗旨外。乃其黨與黨間相對待之態度。亦可以截然不同。夫黨與黨之相對待。卽人與人之相對待。人與人相遇。近日已發明人道二字。乃或一涉於黨。而輒忘其結黨之本。不離乎人。於是本黨向所以爲彼此。必可從同之態度。事實上。或不盡符。則不能不以本黨自有之態度。宣示於本黨黨員。期與黨員共勗焉。政黨者。不可無兩之物也。若無兩黨。則以水濟水。以塗附塗。齊天下之心。思耳目而一之。專制之君主。所利用立憲之君主。卽有以矯之。況在民主之國乎。本黨正惟知國家之必有兩黨。乃自爲一黨。以待夫此所謂一黨。非指共和黨三字而言。乃指同宗旨之各黨。在本黨皆可視爲一黨。既以同宗旨者居於一黨。乃於國家必有兩黨之目的。恰爲得半之數。故苟無異派者。對峙於前我。

黨雖從此解散可也。我黨惟待有他黨而後自存。故不以本黨爲生命。必以他黨爲本黨之生命。人有不愛其生命者。謂之喪心病狂。本黨而不愛他黨。若欲擠去他黨。而自於獨得弗謂之喪心病狂乎。吾黨員當知有他黨而後有本黨。此一義也。

顧如此則黨與黨將無所競爭。乃可爲以愛憐用事乎。是又未知黨與黨之愛情。正在競爭二字。競爭者黨之所以爲兩也。故競爭爲黨界之所以自存。愛莫大於使之自存。故惟黨必以競爭爲用愛之道。某學者之言曰。天下學問事功皆莫大於用反。凡事必有反正。二義能見正之一義。其果爲正義與否。乃主觀的感覺也。彼持反之一義者。在我以爲反。在彼必以爲正。則正反原無定向。何所用其堅僻自是乎。此說也。就個人而言。以之治學問。就事功。誠收其效矣。泊乎世運日進。而政治真取決於民心。致有政黨標張弛之幟。則毗於張而用弛。保守之黨。勝毗於弛而用張。進步之黨。勝更進迭。循乎人心國勢之自然。以視古來一君之治。其家法爲剛克則毗於張。而致土崩。其家法爲柔克則毗於弛。而致瓦解。養成無數次之革命。而無所底止。然後知張弛一順乎民心。而一弛一進。預備於政黨。視民心所向。而某黨爲舞台之主人。仍伏其潛勢力於彼。一黨以待毗於一偏之日之有所恃。以爲更代。而國家於是永永存立於世界。以政黨代常改革之

衡是本黨不過台衆人以成大國。國家乃合兩黨以爲命脈。廢其一黨則中斷國家之命脈。吾黨員當知有他黨而後有與本黨同受庇之國家。此又一義也。

既競爭則必以本黨之發達爲幸事。願充其發達之極。致將必使己黨膨大。而無以復加。他黨更無容納之地。豈非政黨之所大快果如是。則終以存一廢一爲黨見。不爲國家留一張一弛之餘地。是無國家。不爲黨界留一彼一此之餘地。并無本黨故本黨期黨之發達。必同時爲他黨期對等之發達。發達云者。對幼稚而言。期彼此皆不幼稚。全國皆成兩黨。勢力相均之日。卽無所謂發達。惟本黨主義貫徹之日。則必略占多數。而爲行道之時。他黨主義貫徹之日。則必略占少數。而爲言論之時。正惟發達相對等乃有此美果。而謂本黨有希望己黨發達之心。卽不免有忌嫉他黨發達之心。則本黨何爲組織。一必有對等之黨乎。今之時果求發達國民。未定政見者。何限從而導之。爲有政見之黨員。亦足以資吾儕終身之心力矣。尙有暇爲忌嫉之所爲耶。且本黨之自求發達。苟不副所求。尙可以反而自省。若他黨萬一發達稍遲。恐有愛莫能助之勢。或適我自求對等之初心。故同時求兩黨之發達。而以緩急先後言。實希望於他黨者。爲較切。吾黨員當知有發達。他黨而後有對等發達之本黨。此又一義也。

具此三義。本黨所持之態度。可以不言而喻。吾知他黨所持之態度。亦可以此繩之。非爲名高。自存也。儒家者流。以尊賢容衆嘉善矜不能之說。犯而不校。不報無道之旨。寓揚己以抑人。此乃大謬。政黨者。不可無兩之物也。他黨與本黨共命揚之抑之。對於政見不同之事實。宜然耳。因其爲非我黨而惡之。吾黨員恨無爾爾。民國果有政黨也。則他黨亦斷不爾爾矣。嗚呼。斯言驗否。縱或不在今日。倘以本黨爲知言者乎。則事未必盡。鑒而理固不可磨也。嗚呼。

說黨勢之盛衰

專制脫離以後。政黨從而發生。其發生之根原。謂有若干人。取某方向。爲政治之目的。覺其由此則治。舍此則亂。與其既亂而不可復救。不如未亂而先求達此目的之策。乃以黨維持之。既有此黨。苟其所主張。尙非全國所一致。則必又有人焉。更取一方向。爲政治之目的。亦以爲治亂之所繫。間不容髮。萬不能不別爲一黨。以抵制之。而兩黨於是乎成。而兩黨以上之黨名。遇大利害。必可劃然爲兩。其必爲兩者。理必有正反之原。則其大利害。不至黨數加於兩以上者。是非恒有一。定其利害之尤大者。恒有全國一致之時。如今日之推翻內閣。兩黨皆以爲非。其明證也。至所謂此。一是非。彼亦一是非之事實。則恒以兩黨爲對待。既相對待。而廁身於一黨間者。各欲擴張黨

力之所主。務占優勝之地位而後已。聞黨勢之向盛。則色然喜。聞黨勢之就衰。則戚然憂。固亦人之恒情矣。

然則趨盛而避衰。蓋有道乎。曰是在黨員之衆多也。是誠然。然黨員之衆多。將毋以署名黨籍者而計之乎。是政黨展覽品也。吾聞英國政黨最盛。全國皆黨。而黨籍所著。不過少許活動黨事之人。若以姓氏多寡爲結黨之成績。則可恃者在觀覽。而不在實行。蓋有名列黨籍而不奉黨綱爲行動者矣。卽又安知無身未入黨而贊同黨義者。此黨籍之不足以定黨勢也。則更以知名之人牽率入黨。視知名者之衆多爲衆多乎。是又以政黨爲點將錄也。吾又聞英國持黨見者。但知我爲保守。或爲進步。絕無以我黨有某要人爲光寵者。若以知名之士之多寡爲成績。則可恃者在攀附。而不在宗旨。其弊又可使入黨者不必問黨綱。而留意黨綱者。轉因黨員之多。所知名有以窺其以人爲結合。而無與於政綱之贊否。此黨員多招致知名之不足以定黨勢也。夫如是。則日夜暴己黨之人數。日夜暴他黨脫黨之人之姓名。日夜思刼制他黨之人。使入己黨。且此數端卽不盡確。或且屠門大嚼。雖不得肉。聊且快意。似皆有爲黨植勢之熱心。或未必果收本黨得勢之成效矣夫。

夫上所云云之數端既無關於黨勢則黨勢何有曰有人心政黨之更進迭退本以代專制之朝之易姓專制之朝之易姓往往伏屍百萬流血千里而所爭不過人心向背之機蓋其膺圖受籙之門面威福玉食之愉快必非能以知難而退了之而人心惟危一語又祇可爲上智說法於是至多數人心相背之時必有少數與獨夫同利同害之人互生抵抗于其際在一國爲少數而自其名額容量計之則百萬與千里或且有過之而無不及此專制之至慘國民所以翕然于共和者也政黨代興以多少數爲國民之主張明目張膽見諸代議士之口而執政者自不得不與爲起伏腕力無所用之是故有政黨之迭代而免萬世革命之禍在古經傳之所言多助寡助皆以儆戒君主之覆亡今則以是險政黨之勝敗得人心之道奈何所欲與聚所惡勿施足以盡之矣以不佞默揣斯人之欲惡擁兵以害治安糜餉以重負擔必爲至少數人之所欲而至少數人之所惡研心理者或不以不佞爲性與人殊乎然則此欲惡之見端必非在著名黨籍之後今之黨派方始萌芽有黨籍者何足抵太倉之稊米吾甚懼欲惡之辨不明日擴張其黨勢而無黨者皆爲黨之敵此其人兩黨皆有之一以此事指目爲某黨之玷恐非私恩小惠之所能挽回况私恩小惠之亦各隨人所見或未必果以爲恩恐乎吾不願見一黨有偏勝之時即不忍令一黨有足

失人心之事此灌灌之言之所由不自以爲忤也。

論自命爲無黨者之未知政體

嘗曰無偏無黨王道蕩蕩無蕩無偏王道平平反覆言之若重規疊矩然明乎偏黨之與王道不兩立也惟偏故成黨此黨所偏勝之處正彼黨所必欲偏加抑制之處凡兩黨決不能截然相反苟非同以國家爲前提卽不得爲政黨既同以國家爲前提則已大同而小異所異者其各執一偏處耳惟其互有所偏乃互有救正之益專制之世以一人之意見爲宰制不許國民有所偏異其結果爲一國皆陷于一偏而改革之禍烈焉王道者專制之代名詞也故與偏黨爲不兩立今之政體將認爲專制之政體耶則無黨之士誠爲恪遵功令謹守繩墨之佳士亡清臥碑之橫陳于大學今或未盡剷除猶可爲無黨者作科律矣或者曰此言大謬所惡於今日中國之黨派者爲其意氣用事種種令人失望之舉動不得不避之若浼耳彼無黨者非黑黨不得以王道蕩平之語爲圖戲則吾欲鱗而問之一問國民是否應忍然於本國之政治應者曰天下興亡匹夫有責網人洩世之士容或有之然其原則以不忘國事爲國民之天職國民之愛其國如家人之愛其家古人不自知其有國民之資格故或以理亂不聞爲美談而專制家適愜其事不旁撓之隱

願乃倡爲種種褒美之語製造成恬淡之名詞以爲名教刻言之乃民賊之點智也予曰是則然矣次問國民既不應烈然干政治則是否應有宗旨應者又曰子無問對於政治之應否具有宗旨但問人之爲人應否具有宗旨天賦之以人格既非瘋顛白癡吾儒以是非之心爲四端之一豈有肩國家之一分子之重任而可以無宗旨遇之予曰尤佩名論

然則黨字作何解謂某人與某人相暱比之標的乎是淫朋僻黨之黨諒非失口能及政黨二字者所許夫既非人與人之相暱比則必以宗旨相合者爲黨有宗旨者宜無不有政黨黨之母國惟英吾聞英之人無論賈販走卒或爲五尺之童試叩以進步保守汝以何者爲宗旨其人必脫口而出報明其意向之何屬從未有躊躇思索而後答者蓋英人從無自視爲無與國家之人即從無自甘於不辨宗旨之事故除茫無知識之孩提及心疾者外斷無不黨之人吾國政黨方始萌芽當其結合多以人爲歸嚮及其脫退自宜其亦以人爲警警其間以不嫌於一黨之領袖爲其有代表全黨之責全黨既奉之而不厭倦是可知其宗旨之雖定於黨義不能無影響於代表之個人不合則去猶可言也若此亦黨員彼亦一黨員因口舌之齟齬而犧牲其宗旨果宗旨之脆薄歟抑亦未知宗旨之積而成黨視同黨爲別有一種黨誼若敵血結盟爲異姓兄弟者然亡

濟之季無恥。官僚行篋攜金蘭之帖。無數勢利相倚。則一言而換帖。窮達相異。則歷久而繳帖。而邂逅而爲昆季。睚眦而尋仇。讐吾民國自總統以逮廝凡皆國民耳。方謂攀緣塗附之習。可以掃除。淨盡。抑豈料此風乃流轉於政黨則甚矣。共和告成之未久耳。濡目染之不易更新也。又有人焉。以彼黨有此等事。爲有瑕。可指自鳴。其團結之堅。是未脫信誓。刼持之餘習。而或以己黨有此等事。爲授人以柄。汲汲欲挽回。以大暴於衆。則亦不以宗旨爲前提。而終有人之見存矣。愚以爲今之言黨者。十有九失。要言之曰。與政體。牴牾。而已。

論黨德之污隆不關分子之純駁

記者再三著論。說明政黨黨員爲國民參政權之關係。既以有參政權與否爲黨員非黨員之範圍。則公民之限制寬黨員之限制安得而加嚴。限制不得而加嚴。即分子又何從而加擇。然世往往以黨有敗類。足爲黨之名譽累。引爲大戒。終不信分子之可以聽其不純。有如政黨之勢力固發生於國會。列席之多。數國會列席之多。數固原本於黨員投票者之先爲多數。然使黨之名譽已壞。則雖日夜裏召入黨。其未入黨者皆與爲鈞而已。入黨者亦逐漸羞與爲緣。此豈非以分子之不純而損及全黨之信用。然則主張廣攬黨員者。終有自貽伊戚之日矣。自人與記者相難之

言如此

記者則仍執前說以答之曰子不見學校之所謂校風乎猶是學子猶是講師然而校風已壞無可救正此豈能謂其中有某一分子足以致此哉其能歸咎於某分子之不良者乃其校風未成之時去其害羣而防止惡風之流播夫學校乃用嚴重之取締以維持風紀者也此豈足以律政黨黨風已壞更無取締之可言在黨員之資格即國家公民之資格非至乎刑事上有剝奪之罪名無從別爲漸揚之舉今日之所謂分子龐雜者乃其風尙已成極善良之分子一觸即發其從前之手腕此其手腕在從前何嘗不良及今而以祕密之習慣施之光天化日之下不過不相稱耳而駭者以爲大戚以爲此皆不良分子之所爲則實厚誣我神聖之急進派國民不能不爲之呼屈者也

是故記者以爲黨亦有風一黨之中其先以何種行動爲職志者迨其境過情遷自顧其前日之行動爲跡截然作兩事觀此所謂時中之君子今世所當崇拜此類之豪傑豈少其人然吾見稍下於此者恂恂道義之中時露英氣即不免有手集大勳之意態流於詞色之間加以人之性情剛柔強弱又有萬殊學問知識更難一致抱向日效忠於本黨之目的對於本黨稍一不慎即

以克敵致果之道出之此何一非人情而非其黨之人與黨內眼光能矚各方面之人皆疾首蹙額以此爲分子之玷抑未嘗推原其黨之享有榮名者前日固所賴惟此也故吾謂風尚已成謂其不善變則可謂其本有不良則不可謂其各個人中有善變不善變之分別則可謂其有純駁之分則斷斷不可彼無此挾有勳勞之風尚何慮有此事實無此曾經祕密之風尚何慮有此行爲此吾所告慰於新造之政黨者也

若其風尚既成有勳勞者不忘其勳勞仍時時行用其祕密之氣勢在國民既已望其爲政黨即恒有失信之意以爲政黨不應如是此爲喪失信用之最大原因積此原因在理恐將失敗此猶就一黨之得失言也若國家之爲國家所取乎兩黨對峙者取其皆在法律之中以爲行動若有一軼乎法律之黨憑仗其政見以外之魄力見一主權之形式則曰專制見一行致之統系則曰野心國家秩序安得有回復之一日民國之奠安國際之承認從此無期此豈革命偉人之初志今之人或以黨見之爭爲詬病矣抑豈知法律爲是非之大防今試問有不循法律之黨將以不爭而聽其淪胥矣乎將聽視密會社之性質泛濫於政界而無所制止矣乎此非徒對待之黨所不敢放棄抑豈主觀之黨所樂贊同然溯其由來循法律則早不能有祕密之結合不祕密則更

何能播革命之種子故從前之藐法律而侮祕密者乃分子之最良者也今何以一日倒易其毀譽吾以爲風尚之不同而已矣何分子純駁之足云乎

論組織政黨之不宜自隘

政黨者表現國民之心理於國家政治之上從國民參政之原則不以少數與聞政事爲合理即不當以少數結合政黨爲美談吾聞共和黨之組織支部者間有抉擇流品之念其意視政黨爲高尚非知識平庸者所能堪期待之高至可欽佩然竊有陳說頗效忠於政黨者其言曰黨會限域之寬嚴以其黨會之性質而與政黨之性質即國民參政權之性質國民參政權即選舉權與被選舉權國家以國民之公意定選舉權被選舉權之法律雖有帶制限性質之法律決不能精選妙簡使公民皆如披沙而得之金則組織政黨者獨奈何於公民之外又有種種之制限耶

公民資格以愈普通爲愈進化即政黨組織亦如之其能力知識至不足與於公民或行止之缺點而至褻奪公權既無參政之權即當然非政黨之選論政黨之原理雖發生於參與政事而尤發生於國民之間有兩種政策之競爭夫此政策之競爭苟爲少數人所可解決即其主動亦爲